

T 3238 / 2332.83

2

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

象州志卷之二

哈佛大學漢和圖書館珍藏印

民賦

附戶口

人丁

地畝

積貯

額辦

蠲卹

嘗考禹貢荊州厥田下中厥賦下下粵介荆南而象隸粵之中土其田賦殆與荆埒况山多田少地瘠民貧又不逮荆遠甚幸蒙

國家休養生息生齒日繁地利日闢編審之年止增丁而不加賦此誠曠古未有之盛典也志田賦

戶口

象州新舊戶口共計一萬三千三百三十八戶內

大口三萬五千七百一十名口內男丁一萬七千九百三十名口婦女一萬七千七百八十口小口一萬二千一百五十四名內男丁六千一百二十八名女六千零二十六口
人丁

原額完賦人丁五千一百六十五丁八分一釐五毫七絲七忽每丁徵銀一錢一分七釐五毫一絲七忽每丁征銀一錢一分七釐零該征丁銀共六百零七兩零三分七釐零康熙五十五六十年雍正

四九年各年編審增益人丁一百七十九丁又乾隆元六十一各年編審增益人丁二百九十丁乾隆十六年編審增益人丁一百三十二丁俱欽奉恩詔續增人丁永不加賦

地畝

象州原額官職民田地塘共稅一千零三十二頃二十九畝零嗣遵

旨委官勘明實係舊荒捏作老荒改歸舊荒稅三頃零三畝零詳請具

題奉准部覆在案又請申勸墾等事案內行據委官
勘明薄上達韋善忠等雍正八九兩年開墾舊荒
旱地塘稅悉係山嶺澗畔地土瘠薄並無水源可
以灌溉僅堪種植桑麻襍糧自難令其仍照原報
墾科則徵輸詳請減除秋糧米九十二石二斗一
升零又請申勸墾等事案內行據委官勘明朱崇
義等雍正十年開墾下則老荒水民田俱係山田
坵面石骨歷數年來驟雨瀑流冲去浮土僅存石
骨難復成田豁除稅九十畝詳請會

題奉准部覆在案外尚實額稅一千零二十八頃三
十六畝零實徵成熟稅一千零二頃九十三畝零
外雍正十三年分各生俊捐納墾熟未入全書下
則老荒民田二頃四十畝通共成熟稅一千零五
頃三十三畝零

原額秋糧共四千一百四十三石零後奉委查勘
豁除不成田米九百二十七石零現在實征本色
熟米三千一百七十六石三斗九升零該地畝等
項共銀二千四百七十九兩九錢零

以上丁編地畝四差折糧并增丁等項實征熟銀
 共三千零八十六兩玖錢四分零內存留解司府
 及在州俸工等項支應共銀六百二十七兩五錢
 零

起運項下其額地丁翠毛折色熟銀二千四百一
 十二兩四錢零

原額征收本色熟米三千一百七十六石三斗九
 升零內存留米五百三十五石七升零撥解兵米
 二千六百四十石零六斗六升零內補足各後荒

缺米四石一斗六升零實在兵米二千六百三十
 六石四斗九升零

積貯

常平倉額貯穀一萬二千石

社倉採買備賑穀二千五百石

義倉穀八百一十八石五斗乾隆十六年知州郭
 芝詳歸常平倉積貯

額辦

御用翠毛額解折色銀五兩九錢七分零水脚銀一錢

七分零

按解京額辦前朝皆辦本色赴京百姓罷於奔命

國朝軫念民艱

詔令折色自康熙七年至四十年疊奉部文收徵羣黎感戴老舞塗歌今仍存舊額以見邊民正供有常無復額外之征而

盛世輕徭薄賦寬大之恩永垂萬世云

錫卹

宋

景德四年十月詔宜柳象州懷遠軍死罪以下并十惡謀故圖殺官吏枉法犯贓者並原之文錫宜柳象州懷遠軍丁錢及夏秋租元

泰定三年十一月盧遠安撫司領已亥靜江象江諸路饑並賑之

明

泰昌元年詔免各州縣新餉稅課所設盡免

國朝

順治十二年詔免十年十一年分未完糧

順治十三年蠲免十二年十三年分糧

康熙十六年八月豁免本年錢糧

康熙二十一年免馬平等七州縣並武宣縣徵過銀米

康熙二十二年免十七年以前民欠錢糧稅銀及帶徵錢糧

康熙二十四年赦免雜費軍罪以下

康熙三十三年蠲免應徵地丁銀米

康熙四十三年蠲免地丁各項錢糧

康熙五十年全免應徵地丁銀並歷年舊欠

雍正元年免各年久民欠錢糧

雍正八年全蠲州屬錢糧

乾隆十一年全蠲地丁銀米

象州志

鹽法

周以鹽人掌鹽而漢時鹽鐵皆歸於官蓋鹽之為
 利由來久矣然海鹽池鹽井鹽所在間產惟粵西
 無鹽皆取給於粵東象鹽向係商運時或缺乏上
 逋

國課下病民食嗣易以官運官銷又不免侵漁之患
 總而論之有治法者必需乎治人苟非其人徒法
 不能以自行如得其人舉而措之裕如也在官在

商又奚擇焉志鹽法

象州額鹽引一百零九道九分康熙三十二年奉
 文改原額一引改作十引共小引一千零九十九
 道每引行鹽二百四十八觔二兩零共計鹽二十
 七萬二千七百七十八觔八兩零康熙五十六年
 因商人辦解餉稅每有遲悞經知州楊以牧援例
 通詳懇請均撥引日業奉批准雍正二年奉總督
 部院孔

題准官運官銷每年解淨價銀五千二百四十七兩

九錢五分八釐內解鹽本銀六百八十五兩一錢

二分三釐零實解 部價銀四千五百六十二兩

八錢三分五釐零又每年額銷餘鹽二百包應解

價銀五百五十兩零五錢六分二釐乾隆二十三

年戶部侍郎吉慶兩廣總督李侍堯以粵西商辦

之埠拖欠羨餘銀至五萬八千餘兩而官辦之埠

拖欠羨餘銀反至九萬六千餘兩夫商人行鹽或

有夾帶行私重價病民等弊地方官實力稽查則

商人尙有顧忌而不敢肆行惟至官辦官銷則雖

恣意行私高抬價值誰復爲之查察且領引行鹽
本屬商人之分今分給官辦既欠帑銀復滋弊竇
莫若仍歸商辦使領引行鹽納課皆有專責更爲
妥協部議亦如之

上可其奏於是改歸商辦自二十四年始

額徵

東餉銀一千三百九十一兩二錢五分六釐
西稅銀八百六十二兩七錢零四釐

又餘鹽改引二百四十三道四分一釐二毫該鹽
三百八十包應解鹽價銀三百零七兩九錢四分

四釐

又勻銷臨桂縣引四百道該鹽六百二十六包應
解鹽價銀五百零六兩零七分二釐

象州志

學校 附書院

自古興賢育材必由於學黨庠州序周制為備至
於家各有塾塾各有師大旨總在飭紀敦倫明體
而達用也象學自唐迄明修廢不一幸逢

聖朝文教昌明

宮墻整肅州學之外復立義學俾橫經之士講習有
地觀摩有資固宜騰厚實而蜚英聲者之後先輝
映也志學校

州學自唐大歷十二年始建於城外東南隅

明洪武二年知州李永修改建於城內東南隅

永樂間知州朱良弼余存諒相繼修葺

宣德十年燬

正統五年巡按御史朱良暹屬知州何敬重建

嘉靖十二年知州林益建明倫堂三間

嘉靖二十三年署州事陳陵建啟聖祠未就學正

霍桂成之祠尋圯

嘉靖二十四年知州吳必學重建後廟祠俱圯

萬曆四年知州謝一楓重建

萬曆十三年兵巡道郭棐知州李維岳捐修

國朝康熙四十九年知州張天訓修大成殿兩廡戟

門櫺星門啟聖名宦鄉賢諸祠

雍正元年改換崇聖祠額增立神位祭器

雍正三年知州陸廷光修明倫堂

雍正五年學正蕭禮讓重修宮墻

雍正十三年知州張昕重建

乾隆十八年知州郭芝學正劉用訓導黎秉介偕

紳士增建明倫堂三間頭門一間

今計禮門義路各一楹櫺星門係石柱戟門三楹大成殿五楹東西兩廡各五楹崇聖祠五楹名宦鄉賢祠各一楹宮墻在泮池前高二丈寬二丈五尺

歲考文生取入十五名武生取入十五名科考文生取入十五名廩膳額二十名增廣額二十名學田坐落昌化里實徵熟稅四頃一十二畝四分零實徵熟銀二十八兩三錢二分零

書院

象江書院舊名義學北門內久北

年知州徐德秩移建於城

捐地雍正八年知州

修完工十三年知州張

六間頭門一間共十三間乾隆十六年知州郭

吏目下泰捐俸重修二十五年知州李宏濟據

士呈請移建舊州地址改名象臺書院

猶猶義學在安中里中平

屋三間尋圯乾隆三年知州阮承龍重建六年知
州沈嘉徵修葺例每年延師教頤赴海司修葺
銀一十二兩十五年裁汰

象州志

建置 附城池 廨署 倉庫

象古陽壽地東岡扼其左江流帶其右面天蓋而
枕玉屏迤潯梧而接柳慶雖非天塹之雄亦擅輿
圖之勝我

國家帶礪河山封疆鞏固凡屬山城澤國固已共慶
苞桑矣有牧民之責者誠能未雨綢繆勤加修葺
為保障勿為繭絲則治益求治安益求安正不獨
潤色隆平已也志建置

城池

象州舊係土城規模甚隘創始年月無考

明洪武間始築開東西南北四門又小南門尋塞
成化十四年守禦都指揮楊觀於西南北門上各
建樓一座

嘉靖九年知州林益請於總制林富發公帑撤舊
串樓改砌磚石

萬歷十三年知州李維岳重開小南門改曰進賢
建樓一座後圯

國朝康熙六十年知州江莪重建迨後城垣城樓各

處崩壞知州陸廷光捐修

乾隆二十年知州蔣曰萊重葺

今計城高一丈八尺濶一丈週圍五千九百五
十丈塚口一千六百四十五城門五東曰賓陽
南曰鎮南西曰朝江北曰象臺小南門曰進賢
池濶二丈五尺深一丈

廨署

州署元大德六年建在城西門內偏近城垣千久

頽圮

國朝遷建於城東門內即明總兵孟宗文故居前後
堂內室共五層每層三間

康熙五十七年知州楊以牧修葺增葺吏書草舍
六間

乾隆元年知州張昕鼎建頭門儀門各三間大堂

二堂各三間三堂五間內宅三進共十五間花廳

三間書房五間左首吏廨六間羣房瓦屋四十二

間計地圍圓二百一十六丈

乾隆六年知州沈嘉徵前後修葺增建班房二間

川堂一座書吏舍四間吏廨換瓦

乾隆十七年知州郭芝建土地祠於大堂左吏舍
旁

乾隆二十一年知州蔣日萊捐修川堂煖閣吏廨

學正署明萬歷十三年知州李維岳建久圮基址

無考雍正五年學正蕭禮讓在崇聖祠西建瓦屋

四間

訓導署明萬歷十三年李維岳建久圮基址無考

雍正六年訓導黃龍德在崇聖祠之東建瓦屋三間草屋二間雍正十三年訓導陳先葵又建草屋三間

吏目署原在舊州署東久燬今在中城街前後二座每座五間東西廂房二間吏房一間俱草舍乾隆元年知州張昕吏目冀州煜捐俸易以瓦

龍門寨巡檢署原在昌化里離城八十里久圯移住北門內大街後燬乾隆十八年知州郭芝詳請復移昌化里鼎建前後兩座頭門廂房吏廨共瓦

屋十間

城守署在城東北隅明洪武二十四年千戶尹鎮等建前後兩座各三間大門儀門各三間旗纛廟三間俱草舍

教場在東門內寬九丈長五十九丈演武廳三間久圯基地尙存

行臺在州署二堂後一座三間頭門一間乾隆十七年郭芝建

倉庫

倉廩共十八間在州署南雍正三年張昕重修倉前君子亭一間楊以牧建

庫一間在州二堂右

監獄原在舊州署西北隅久圯原建年月無考

國朝遷建於州署南屋一座三間雍正四年張昕添建圍墻乾隆六年沈嘉徵增建監外耳門兩座窩舖一間二十年蔣日萊添建內監三間木籠一座外監俱重修

養濟院乾隆元年奉文建造四年知州祖承祐鼎

建於南門外九屋六間額設孤貧六名每年給二十石六斗并冬衣銀三兩十七年知州郭芝吉目丁泰捐俸重修

家州志

壇祠

附寺觀

樓閣

禮重壇廟昉於虞夏崇德報功總以為民祈福耳
 國朝定制有司奉行除淫祀必嚴外凡有關於民間
 水旱疾疫之禱者皆載祀典象列南服信巫尙鬼
 固其舊習近百年來

文教昌明曩之魑魅魍魎已消滅於祥風瑞日之下
 而山川社稷諸壇廟已肅然悚敬矣其或寺觀不
 至惑民樓閣可壯觀瞻者姑錄其一二以助江山

之勝云志壇祠

社稷壇舊在象江西岸明萬歷十五年知州李維岳遷建於北關外

國朝雍正十一年知州孫嵩重修建頭門一座內立壇坵四面圍以土墻

山川風雲雷雨壇在大南門外離城里許明萬歷十五年李維岳建久圯雍正十一年孫嵩遷於雷王廟後

先農壇在小南門外沙子嶺坐西朝東壇高二尺一寸寬二丈五尺祠宇三間大門一座內立炮臺四週磚砌外有圍墻石階雍正五年奉文建造知州陸廷光督建立神位祀奉藉田四畝九分穀四石有零

鎮厲壇在城外東北隅地名古車離城里許明萬歷十五年李維岳建

關帝廟在城內南門街雍正九年孫嵩建乾隆二十一年知州蔣曰萊捐俸重修

城隍廟在城南門內原建年月無考康熙五十六

年六十年知州張琦江莪相繼修葺乾隆二十一年蔣曰萊捐俸重修

雷王廟在東門外里許原建年月無考雍正十一年孫嵩重修乾隆二十一年蔣曰萊捐俸重修

甘將軍廟在城內西北隅祀二甘將軍

楊先生祠在學宮東宋嘉定間建祀提典刑獄楊方明毛伯溫有記久圯

白袍廟在城北門內祀唐流寓薛將軍

寺觀

景德寺在城南里許

寺村寺在寺村塘

長峯寺在安中里謝官村

元妙觀在景德寺旁久圯東郊迎春在此又名三清觀

明月觀在南鄉明月村

寂照菴在州城東久圯

樓閣

鎮南樓卽城南門樓祀關帝

瑤光樓卽城西門樓乾隆八年知州沈嘉徵建祀
天后

拱宸樓卽城北門樓明成化十四年守禦都指揮
楊公觀建祀北極

文昌閣在北門外明萬歷十三年知州李維岳建
臺一座臺上建屋前後各五間上爲文昌樓下爲
觀音閣閣下兩廊各三間閣前建堂五間堂前照
牆三堵甃以磚石西面大門三間圍以土牆有祭
田四畝久圯并歸拱宸樓管理

